

ustanove i druga pravna lica nad čijim radom javni organ uprave vrši nadzor u smislu člana 15. stav 2. tačka 2. Zakona o upravi u Federaciji Bosne i Hercegovine.

4. Javni organ ne može utrditi da određena vrsta informacija nije dostupna javnosti, već je u svakom konkretnom slučaju dužan da utvrdi da li postoje Zakonom utvrđeni izuzeci od saopćavanja informacije, te da li i pored tih izuzetaka postoji javni interes da se ta informacija saopći (čl. 5. do 9. Zakona).

5. Cijena troškova umnožavanja zahtijevane informacije, u skladu sa odredbom člana 16. Zakona, iznosi:

- 0,50 KM za svaku stranicu standardne veličine koja prelazi 10 (deset) prvih besplatnih stranica;
- 5 KM po disketi za elektronsku dokumentaciju.

6. Javni organ odredit će službenika koji će primati uplate za troškove iz tačke 5. ovog uputstva i o tom izdati odgovarajući priznanicu. Za tu svrhu izrađuju se odgovarajuće priznanice, čiji jedan dio zadržava navedeni službenik radi kontrole izvršenih uplata, a drugi dio predaje licu koje je izvršilo uplatu.

7. U cilju blagovremenog početka primjene Zakona, rukovodilac javnog organa će preduzeti odgovarajuće mjere da se izvrše sljedeće radnje:

- najkasnije do 25. januara 2002. godine rješenjem odrediti službenika za informiranje koji će neposredno obrađivati zahtjeve za pristup informacijama u skladu sa članom 19. Zakona. Kopija rješenja dostavlja se Ombudsmenu Federacije, s tim što u rješenju treba navesti i sljedeće podatke: adresu javnog organa, broj telefona i broj sobe službenika za informiranje;
- najkasnije do 25. januara 2002. godine izraditi Vodič i Indeks registar (član. 20. tač. 1. i 2. Zakona) i najkasnije do kraja januara 2002. godine dostaviti: Ombudsmenu Federacije, svim općinskim bibliotekama u Federaciji, bibliotekama Pravnog fakulteta u Sarajevu, Pravnog fakulteta Univerziteta u Mostaru, Pravnog fakulteta Sveučilišta u Mostaru i Pravnog fakulteta u Bihaću, te Vodič i Indeks registar po mogućnosti objaviti putem Interneta.

8. U smislu člana 20. tačka 3. Zakona javni organ je dužan da podatke za prvo tromjesečje dostavi Parlamentu Federacije i Ombudsmenu Federacije početkom maja 2002. godine.

9. Javni organ dužan je da Vodič, Indeks registar, tromjesečne podatke i godišnji izvještaj (član 20. tačka 4 izradi u dovoljnom broju primjeraka, kako bi bez naknade bili dostupni svim zainteresovanim licima u prostorijama javnog organa (u pisarnici i/ili kod službenika za informiranje).

10. Ovo uputstvo stupa na snagu narednog dana od dana objavljivanja u "Službenim novinama Federacije BiH".

Broj 01-293-2/2000

15. decembra 2001. godine
Sarajevo

Ministar
Zvonko Mijan, s. r.

Na temelju članka 24. stavak 1. Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01), federalni ministar pravde, donosi

NAPUTAK

ZA PROVEDBU ZAKONA O SLOBODI PRISTUPA INFORMACIJAMA U FEDERACIJI BOSNE I HERCEGOVINE

1. Ovim napatkom uređuju se pitanja koja trebaju doprinijeti učinkovitoj primjeni Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01 - u daljnjem tekstu: Zakon), a odnose se na određivanje visine troškova umnožavanja informacija, te druga pitanja koja doprinose pravilnijem postupanju u primjeni tog zakona.

2. Pod pojmom "informacija pod kontrolom javnog organa" u smislu članka 1. tačke 1. Zakona, podrazumijeva se svaka

činjenica, mišljenje, podatak ili bilo koji drugi sadržaj koji je u posjedu javnog organa, bez obzira da li je taj organ sačinio ili pribavio tu informaciju za svoje potrebe ili za potrebe drugog javnog organa ili pravne osobe.

3. Pod javnim organom, u smislu članka 3. tačke 2. Zakona, podrazumijevaju se:

- organ zakonodavne vlasti; Parlament Federacije Bosne i Hercegovine, zakonodavno tijelo kantona, gradsko i općinsko vijeće;
- organ izvršne vlasti: predsjednik i dopredsjednik Federacije, Vlada Federacije, predsjednik kantona, vlada kantona, gradski i općinski načelnik;
- organ sudbene vlasti: sudovi Federacije, kantonalni i općinski sudovi;
- organ uprave; federalna i kantonalna ministarstva, federalne i kantonalne uprave i ustanove (direkcije i zavodi), te gradske i općinske službe za upravu;
- pravna osoba sa javnim ovlaštenjima koja je utemeljena sukladno zakonu: gospodarska društva odnosno poduzeća, ustanove i druge pravne osobe kojima je zakonom ili propisom gradskog i općinskog vijeća povjereno vršenje javnih ovlaštenja u smislu čl. 27. do 31. Zakona o upravi u Federaciji Bosne i Hercegovine ("Službene novine Federacije BiH", broj 28/97);
- pravna osoba koja je u vlasništvu ili pod kontrolom Federacije, kantona, grada ili općine ili nad čijim radom javni organ vrši nadzor: a) javna poduzeća i javne ustanove, b) ustanove i druge pravne osobe koja sredstva za rad u cjelosti ili djelimice primaju iz Proračuna Federacije, kantona, grada ili općine, kao i gospodarska društva u čijem kapitalu pretežnim dijelom učestvuje Federacija, kanton, grad ili općina i c) gospodarska društva, ustanove i druge pravne osobe nad čijim radom javni organ uprave vrši nadzor u smislu članka 15. stavak 2. tačka 2. Zakona o upravi u Federaciji Bosne i Hercegovine.

4. Javni organ ne može utrditi da određena vrsta informacija nije dostupna javnosti, već je u svakom konkretnom slučaju dužan da utvrdi da li postoje Zakonom utvrđeni izuzeci od saopćavanja informacije, te da li i pored tih izuzetaka postoji javni interes da se ta informacija saopći (čl. 5. do 9. Zakona).

5. Cijena troškova umnožavanja zahtijevane informacije, sukladno odredbi članka 16. Zakona, iznosi:

- 0,50 KM za svaku stranicu standardne veličine koja prelazi 10 (deset) prvih besplatnih stranica;
- 5 KM po disketi za elektronsku dokumentaciju.

6. Javni organ odredit će službenika koji će primati uplate za troškove iz tačke 5. ovog napatka i o tome izdati odgovarajući priznanicu. Za tu svrhu izrađuju se odgovarajuće priznanice, čiji jedan dio zadržava navedeni službenik radi kontrole izvršenih uplata, a drugi dio predaje osobi koja je izvršila uplatu.

7. U svrhu pravodobnog početka primjene Zakona, rukovoditelj javnog organa preduzet će odgovarajuće mjere da se izvrše sljedeće radnje:

- najkasnije do 25. siječnja 2002. godine rješenjem odrediti službenika za informiranje koji će neposredno obrađivati zahtjeve za pristup informacijama sukladno članku 19. Zakona. Kopija rješenja dostavlja se Ombudsmanu Federacije, s tim što u rješenju treba navesti i sljedeće podatke: adresu javnog organa, broj telefona i broj sobe službenika za informiranje;
- najkasnije do 25. siječnja 2002. godine izraditi Vodič i Indeks registar (članak 20. tač. 1.12. Zakona) i najkasnije do kraja siječnja 2002. godine dostaviti: Ombudsmanu Federacije, svim općinskim knjižnicama u Federaciji, knjižnicama Pravnog fakulteta u Sarajevu, Pravnog fakulteta Univerziteta u Mostaru, Pravnog fakulteta Sveučilišta u Mostaru i Pravnog fakulteta u Bihaću, te Vodič i Indeks registar po mogućnosti objaviti putem Interneta,

8. U smislu članka 20. točka 3. Zakona javni organ je dužan podatke za prvo tromjesečje dostaviti Parlamentu Federacije i Ombudsmanu Federacije početkom svibnja 2002. godine.

9. Javni organ dužan je Vodič, Indeks registar, tromjesečne podatke i godišnje izvješće (članak 20. točka 4.) izraditi u dovoljnom broju primjeraka, kako bi bez naknade bili dostupni svim zainteresiranim osobama u prostorijama javnog organa (u pisarnici i/ili kod službenika za informiranje).

10. Ovaj napatuk stupa na snagu narednog dana od dana objave u "Službenim novinama Federacije BiH".

Broj 01-293-2/2000
15. prosinca 2001. godine
Sarajevo

Ministar
Zvonko Mijan, v. r.

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

849

Na osnovu člana 133. stav 3. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva, donosi

PRAVILNIK

O OBLIKU I SADRŽAJU SLUŽBENE LEGITIMACIJE, IZGLEDU I SADRŽAJU OZNAKA, BOJI I KROJU SLUŽBENE ODJEĆE I OBUĆE, TE NAČINU IZDAVANJA I VOĐENJA EVIDENCIJE PREMA IZDATIM SLUŽBENIM LEGITIMACIJAMA I ZNAČKAMA ZA GRANIČNE FEDERALNE VETERINARSKO INSPETTORE

I - OPĆA ODREDBA

Član 1.

Ovim pravilnikom propisuje se oblik i sadržaj službene legitimacije (u daljem tekstu: legitimacija), izgled i sadržaj oznaka, boja i kroj službene odjeće i obuće, te način izdavanja i vođenja evidencije prema izdatim legitimacijama i značkama za granične federalne veterinarske inspektore (u daljem tekstu: granični inspektori).

II - LEGITIMACIJA

Član 2.

Legitimacija predstavlja javnu ispravu, kojom granični inspektor dokazuje službenu funkciju, identitet i ovlaštenja previdena zakonom.

Granični inspektor dužan je legitimaciju nositi za vrijeme obavljanja inspeksijskog nadzora i pokazati je prilikom obavljanja inspeksijskog nadzora za koje je zakonom ovlašten.

Član 3.

Legitimacija sadrži podatke o službenom svojstvu, identitetu i ovlaštenjima graničnog inspektora i upotrebljava se u skladu sa odredbama Zakona o upravi u Federaciji Bosne i Hercegovine ("Službene novine Federacije BiH", broj 28/97) i Zakona o veterinarstvu ("Službene novine Federacije BiH", broj 46/00) (u daljem tekstu: Zakon o veterinarstvu).

Obrazac legitimacije izraden je na punijem papiru svijetloplave boje sa tekstom ispisanim žutom bojom i zaštićen omotom od prozirne mase.

Legitimacija je pravokutnog oblika dimenzija 85 x 55 mm.

Na legitimaciji otisnut je suhi žig Federacije Bosne i Hercegovine.

Obrasci legitimacije iz stava 2. ovog člana nalaze se u prilogu ovog pravilnika i čine njegov sastavni dio.

Član 4.

Legitimaciju izdaje Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo).

Član 5.

Granični inspektor koji po bilo kojem osnovu izgubi status graničnog inspektora, dužan je odmah, a najkasnije u roku od sedam dana od dana gubitka statusa graničnog inspektora, vratiti legitimaciju federalnom ministru poljoprivrede, vodoprivrede i šumarstva (u daljem tekstu: federalni ministar).

Ukoliko granični inspektor ne vrati legitimaciju u roku i pod uslovima iz stava 1. ovog člana ista će se oglašiti nevažećom u "Službenim novinama Federacije BiH".

Ukoliko se protiv graničnog inspektora pokrene disciplinski postupak ili je protiv njega pokrenuta istraga ili podignuta optužnica, legitimacija graničnog inspektora će biti privremeno oduzeta, do okončanja postupka.

Član 6.

U slučaju gubitka ili znatnijeg oštećenja legitimacije i značke, granični inspektor je dužan, najkasnije u roku od tri dana, pismeno obavijestiti federalnog ministra.

Nova legitimacija će se izdati nakon što se oštećena, izgubljena ili na drugi način nestala legitimacija objavi nevažećom u "Službenim novinama Federacije BiH".

III - EVIDENCIJA

Član 7.

O izdatim i zamijenjenim legitimacijama i značkama vodi se knjiga evidencije u Federalnom ministarstvu.

Evidencija iz stava 1. ovog člana vodi se u vidu knjige i sadrži sljedeće podatke, i to:

- naziv granične veterinarske stanice,
- redni broj,
- i prezime graničnog inspektora,
- serijski broj,
- datum izdavanja legitimacije,
- datum vraćanja legitimacije prema članu 5. ovog pravilnika.

IV - ZNAČKA

Član 8.

Granični inspektor, pri obavljanju službenih radnji, pored legitimacije nosi i značku. Značka je ovalnog oblika izradena od reljefno utisnog nehrđajućeg metala veličine 56x42 mm. Na poledini značke je igla za učvršćivanje. Vanjski rub značke je zlatne boje, širine 6mm. Osnova podloge značke je srebrenastometalne boje. U središnjoj vertikalnoj osi značke u gornjem rubu nalazi se grb Federacije Bosne i Hercegovine u propisanim bojama, visine 12 mm, a širine 10 mm. Ispod grba Federacije Bosne i Hercegovine nalazi se veliko slovo "V" plave boje, veličine 26 mm, debljine 5 mm, čiji vrh dolazi do vanjskog ruba značke. U središnjoj osi slova "V" nalazi se lik srebrne zmije opletene oko središnje smještenog pruta. S unutarnje strane vanjskog ruba donjeg dijela značke ispisano je "granični veterinarski inspektor", slovima plavožute boje. U središnjoj vertikalnoj osi značke u donjem dijelu nalazi se srebrena metalna pločica u koju je utisnut broj značke, dužine 12 mm.

Obrazac značke graničnog inspektora iz stava 2. ovog člana nalazi se u prilogu ovog pravilnika i čini njegov sastavni dio.

Član 9.

Legitimacija i značka se nose u kožnom povezu, svijetloplave boje, s tim što se legitimacija nosi u unutrašnjem, a značka na vanjskom kožnom povezu.

Član 10.

Na prednjem dijelu kožnog poveza stoji natpis "Granični federalni veterinarski inspektor", a na njenom zadnjem dijelu otisnut je grb Federacije Bosne i Hercegovine.